

2673

H O M I L E T I C I.

2674

que hic in globo indicantur. Quaedam tamen ex iis delibare visum est. *Codicem* (595) ordiuntur pia *Precationes* Pfalmis, Hymnisque permixtae ad Deum et Coelites nitide exaratae. A fol. 71. habentur *Traſtutus* *Bonaventure de Contemplatione Sacramenti Corporis Christi* et quidam e *Sermionibus Bernardi in Cantica*. Cod. (597) fol. 80. legitur Elenchus Vocabulorum latinorum bohemicæ redditorum inſcriptus: *Vocabula poſt magiſtrum Rokycanum pie memorie*. Cod. (598) fol. 163. elegans *Hymnus* Bohemicus notulis muſicis impoſitus de Creatione, Lapsu et Reparatione Hominiſ, qui incipit: *Hoſpodine wſſemobuczy* &c. Cod. (600) fol. 61. p. 2. incipiunt variae *Formulae Contractuum* lingua bohémica. Cod. (601) fol. 104. Collectio *Formularum* in Foro Iudiciali Regni *Hungariae* olim uſitatarum capite truncata, quae duabus *Partibus* conſtituiſſe videtur. Membreum primum mutilum finit: *Et ſic de formis proclamatorijs aſta ſufficiant*. Sequitur Titulus: *Secuntur traſtutus quando iudicia per homines Iudicis Curie Regie vel domini Palatini uel conuentuum et Iudlium* (Iudicum Nobiliũ) *iuxta huius Regni conſuetudinem exigi ſolent a conuiſtis*. Deinceps *Forma Relatoria* dependens ad eandem materiam quintuplex. *Forme quotacionis*. *De formis duellandi*. *De formis compoſicionalibus*. *Forme omiſſionales* &c. Nihil de hac Collectione, in qua *Elifabetba* et *Sigismundus* memorantur, apud Ver-

böczium, aut in *Corpore Iuris Hung.* An ad *Matbiae* Regis tempora, Doctoresque ex *Italia* vocatos pertineat, qui teſte Cl. *Ign. Stepb. Horváth Biblioth. ICTor. Hung. T. I. p. 74.* coeperunt formulas praefcribere, quibus eſſet petendum, quibus reſpondendum atque excipiendum &c. diſpiciant veteris Iuris Hungarici periti. Incuria Eorum, qui haec 18. Volumina compingenda dedere, folia bina ad praefentem *Formularum Συλλογην* pertinentia habentur Cod. (599) p. 52. Cod. (604) p. 1. occurrit *Georgii Trniczy de Trnicze* Epinicion Slavobohemicum, quo deſcribuntur Ludi equeſtres a. 1562. a *Ferdinando* Archid. *Pragae* in adventu *Maximiliani* Regis Boh. et *Caroli* Archid. feria 4. ante feſtum Purificationis et Dom. Quinquageſimae inſtituti, *Carolo* Archid. primum victoriae praemium obtinente, ſecundum vero ejus Adverſario Equite *Joan. Dieſkone Cbynſky de Wchynicz et Woparma*. Cod. (605) p. 13. Diſſertatio: *Vtrum ſacerdos ſimplex articulo mortis imminente abſ diuine legis violacione perſonas habiles poſſit in ſacerdotes ordinare*. Autor non contentus id aſſerere, Episcopum etiam a Sacerdotibus ſimplicibus conſecrari poſſe contendit. *Roffi* poſſeſſoris manu praefixum eſt nomen *Magiſtri Jacobelli*, qui ad has Aſſertiones fortassis inductus eſt a difficultate inveniendi Episcopum, qui ſuae factionis hominibus ſacros Ordines conferre vellet. P. 73. principio mutila ſequitur *Epistoſa Maximil.*

2675

CODICES

2676

ximil. Transylvani, qui *Carolo V. Imp.* a Secretis fuit, ad *Matth. Langium* Card. Archiep. *Salisburg.* data *Vallisoleti 24. Octobr. 1522.* de Navigatione *Ferd. Magellanis*, quae extat etiam typis *Rom. F. Minitii Calvi* in 4. et *Basileensibus. Cod. (608)* p. 216. habetur Portio Sermonum affectorum, cui *Roffii* Possessoris manus praemittit: *Dicunt hos Sermones esse compilatos a Beato Johannebus in Kralowecz Kastro Tempore regis wenceslai. Cod. (609)* p. 162. invenias brevem Tractatum bohemicum de Cura *Fringillarum*, cujus Autor praecipuus dicitur *D. Zdenko de Malowecz.*

DCCXXIV.

845 Codex chartaceus lat. Sec. XVI. Folior. 272. 8. minutissime exaratus Sacros Sermones comprehendit, habitos potissimum Diebus Dominicis et Ferialibus, quamvis etiam quidam in Commemoratione SS. puta *Leopoldi, Barbarae, Nicolai* &c. dicti sint. Initium ducitur a Dominica Septuagesimae. Quibusdam Sermonibus Orator locum praefixit, quo ad Populum dixit. Ita: *In Laybaco Anno 1498. In Sbacz (Tyroleos) 1496. In Gottbico bis, videlicet die b. Altmanni et die S. Martini. In Rossacz et in Armstarff seu Arnsdorf*, quae loca sunt inferioris *Austriae*. Pars Sermonum adumbrata est tantum, non item elaborata.

DCCXXV.

Codex chartaceus lat. Sec. 178 XV. Folior. 221. f. currente calamo partim lineis longis, partim per duas columnas scriptus frequentia complectitur: I. *Enarrationes Epistolarum diebus Dominicis in Ecclesia legi solitarum a Dominica I. Adventus usque ad Dom. XXIV. post Pentecosten.* Interpretatio *bobemica* verbis sacri Textus plerumque superscripta, si non auctoris, possessoris faltem patriam prodit, qui etiam inferius nominabitur.

II. fol. 146. sequuntur *Sermones II. de Corpore Christi et de S. Vito*, quibus adjectum in calce nomen *Rossa* probat, Codicem hunc olim ad Sacerdotem illum *Wenceslaum Chrudimensem* pertinuisse, cujus jam toties mentio facta est.

III. fol. 154. Explicatio quarundam vocum difficiliorum, quae in *Evangelis* et *Epistolis* occurrunt, a secunda manu inscripta: *Vocabularius utilis pro quolibet Sacerdote.* Incipit ab expositione vocum *Osana, Edictum, Diversorium, Libertini* &c. non levi argumento ruditatis illorum temporum.

IV. fol. 172. p. 2. rubro Incipit *glosa super cantica canticorum Orostij.* Initium est: *Postquam a paradisi gaudijs expulsus est genus humanum* &c. Glosa ipsa incipit: *Angelos ad eam dominus, patriarchas ad illam et prophetas miserat* &c. Commentarium in *Cantica Orostio* tributum a *Tribemio Eru-*